



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU **SOCIJALDEMOKRATSKE UNIJE BIH**

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Socijaldemokratske unije BiH za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je Socijaldemokratska unija BiH prekršila odredbe člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Socijaldemokratske unije BiH za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijaldemokratska unija BiH finansirala se iz sljedećih izvora¹:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	140,00	0,15
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e) ²	6.944,04	6,83
7.	Prihodi iz budžeta (3-f) ³	94.556,37	93,03
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	101.640,41	100,00
II	Kreditno zaduženje kod banaka	0,00	0,00
	Izvori finansiranja (I+II)	101.640,41	100,00

U godišnjem finansijskom izvještaju stranka je iskazala rashode u ukupnom iznosu od 116.539,56 KM⁴.

2. PREDSTAVLJANJE POLITIČKE STRANKE

Naziv političke stranke: Socijaldemokratska unija BiH. Skraćeni naziv stranke: SDU BIH.

Socijaldemokratska unija BiH je registrovana kod Kantonalnog suda u Sarajevu, rješenjem broj: R-I-9/02 od 20.12.2002. godine.

Sjedište stranke je u Sarajevu, Soukbunar 7.

Lice ovlašteno za zastupanje stranke je Nermin Pećanac, predsjednik.

Lice ovlašteno za podnošenje finansijskih izvještaja za 2015. godinu je Ramiz Kadrić.

Prema podacima iz godišnjeg finansijskog izvještaja za 2015. godinu, organizacionu strukturu Socijaldemokratske unije BiH čine:

- Centrala SDU BiH,
- 2 kantonalna odbora,
- Odbor Brčko Distrikt i
- 14 općinskih odbora.

¹ Podaci iz ispravljenog obrasca 3. (izvori finansiranja) koji je dostavljen 30.06.2017. godine.

² Podaci iz ispravljenog obrasca 3-e (nenovčane donacije) koji je dostavljen 30.06.2017. godine.

³ Podaci iz ispravljenog obrasca 3-f (prihodi iz budžeta) koji je dostavljen 30.06.2017. godine.

⁴ Podaci iz ispravljenog obrasca 4. (rashodi političke stranke) koji je dostavljen 30.06.2017. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Socijaldemokratske unije BiH za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Socijaldemokratske unije BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled i reviziju finansijskih izvještaja Socijaldemokratske unije BiH u periodu od 2005. do 2014. godine, nakon čega su izdati izvještaji o pregledu, odnosno izvještaji o reviziji sa nalazima revizije, mišljenjem revizora i preporukama stranci.

Nakon izvršene revizije godišnjeg finansijskog izvještaja za 2014. godinu, Služba za reviziju je izdala Izvještaj o reviziji godišnjeg finansijskog izvještaja Socijaldemokratske unije BiH sa mišljenjem revizora, nalazima revizije i preporukama stranci da svoja sredstva ne koristi van utvrđenog plana troškova novčanih sredstava, da priloge prima isključivo na račun centrale stranke, da vodi adekvatne evidencije o svojim prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Socijaldemokratska unija BiH nije ispoštovala ranije date preporuke revizije.

5. NALAZI I PREPORUKE

5.1. NALAZI

a) Socijaldemokratska unija BiH prekršila je odredbu člana 11.⁵ i člana 12. stav (1)⁶ i stav (3)⁷ Zakona o finansiranju političkih stranaka.

- (1) Pregledom je utvrđeno da stranka u poslovnim knjigama nije uspostavila potpune i tačne evidencije o novčanim tokovima putem transakcijskih računa, prihodima, troškovima i obavezama stranke te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

⁵ Politička stranka dužna je da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom („Službeni glasnik BiH“, broj: 95/12).

⁶ Politička partija vodi evidenciju o svojim prihodima i rashodima.

⁷ Do 31. marta naredne godine politička partija podnosi finansijski izvještaj u formi koju odobri Centralna izborna komisija BiH („Službeni glasnik BiH“, broj: 95/12).

- (2) Socijaldemokratska unija BiH u obrascu 2. (pregled prometa svih transakcijskih računa političke stranke) godišnjeg finansijskog izvještaja nije prijavila transakcijski račun općinskog odbora SDU Kladanj, dok je promet putem transakcijskih računa: OO SDU BiH Stari Grad broj:1601030000063655 kod Vakufske banke, transakcijskog računa OO SDU BiH Novi Grad broj: 1601060000008994 kod Vakufske banke, transakcijskog računa OO SDU BiH Ilidža broj: 1020180000012430 kod Union banke i transakcijskog računa OO SDU BiH Hadžići broj: 3389002203236573 kod Unicredit banke prijavila pogrešan promet i saldo na dan izvještajnog perioda, čime je prekršila odredbe člana 11. Pravilnika.

Kontrolom dokumentacije pribavljene iz drugih izvora, odnosno Općine Kladanj, utvrđeno je da je iz budžeta Općine Kladanj na transakcijski račun OO SDU BiH Kladanj, broj: 1020290000024016 uplaćen iznos od 356,25 KM dana 22.09.2015. godine

- (3) Pregledom godišnjeg finansijskog izvještaja je utvrđeno da podaci o ukupnim prihodima i rashodima Socijaldemokratske unije BiH iskazani u obrascima 3. (izvori finansiranja političkih stranaka) i 4. (rashodi političke stranke) ne odgovaraju podacima iz Bilansa uspjeha za period 01.01.-31.12.2015. godine.

Socijaldemokratska unija BiH je u godišnjem finansijskom izvještaju iskazala ukupne prihode u iznosu od 101.640,41 KM⁸ i ukupne rashode u iznosu od 116.539,56 KM⁹, dok je u Bilansu uspjeha za period 01.01.-31.12.2015. godine iskazala ukupne prihode u iznosu od 94.097,00 KM i ukupne rashode u iznosu od 111.718,00 KM.

- (4) Stranka nije pravilno popunila obrasce 3-f (prihodi iz budžeta) i 3. (izvori finansiranja političkih stranaka) finansijskog izvještaja, čime je prekršila odredbe člana 13. i člana 19. Pravilnika.

Politička stranka u obrascu 3-f finansijskog izvještaja nije iskazala prihode iz budžeta Općine Kladanj. Na osnovu akta Općine Kladanj, broj: 03/1-14-644/16 od 14.10.2016. godine, utvrđeno je da je općina iz budžetskih sredstava uplatila stranci sredstva u iznosu od 356,25 KM.

- (5) Stranka u obrascima 4.1 (režijsko-administrativni i ostali troškovi) godišnjeg finansijskog izvještaja nije prijavila tačne podatke o troškovima zakupa, čime je prekršila odredbe člana 21. i člana 22. Pravilnika.

- Stranka nije iskazala troškove zakupa poslovnog prostora od Općine Živinice u iznosu od 1.328,42 KM¹⁰.
- Na osnovu Izjave o korištenju prostorija SDU BiH za 2015. godinu utvrđeno je da je Centrala SDU BiH koristila prostorije u Sarajevu, u ulici Soukbunar 7. Stranka nije u godišnjem finansijskom izvještaju iskazala troškove zakupa poslovnog prostora za ovaj organizacioni dio.

S obzirom da stranka nije iskazala troškove zakupa, tako nije iskazala ni obaveze po istom osnovu u obrascu 5.2 (ostale obaveze), čime je prekršila odredbe člana 24. stav (2) Pravilnika.

- (6) Na obrascu 5. (obaveze političke stranke) finansijskog izvještaja stranka nije iskazala sve svoje obaveze, čime je prekršila odredbe člana 24. Pravilnika.

Stranka je na obrascu 5.2 (ostale obaveze) finansijskog izvještaja iskazala obaveze u iznosu od 8.459,64 KM¹¹. Uvidom u poslovne knjige Centrale SDU BiH i OO Centar SDU BiH, utvrđeno

⁸ Podaci iz ispravljenog obrasca 3. (izvori finansiranja) koji je dostavljen 30.06.2017. godine.

⁹ Podaci iz ispravljenog obrasca 4. (rashodi političke stranke) koji je dostavljen 30.06.2017. godine.

¹⁰ Akt Općine Živinice, broj: 02/8-14-2659/16 od 11.07.2016. godine.

¹¹ Podaci iz ispravljenog obrasca 5.2 (ostale obaveze) koji je dostavljen 30.06.2017. godine.

je da stranka ima neizmirene obaveze za bruto plate u ukupnom iznosu od 8.664,92 KM, koje nisu iskazane u obrascu.

5.2. PREPORUKE

Preporučuje se Socijaldemokratskoj uniji BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi adekvatne evidencije o svojim prihodima, rashodima i obavezama i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

Komentar:

Socijaldemokratska unija BiH se očitovala na Preliminarni izvještaj o pregledu godišnjeg finansijskog izvještaja za 2015. godinu te u skladu sa odredbom članom 14. stav (3) Zakona o finansiranju političkih stranaka, dobrovoljno i djelimično otklonila nedostatke, odnosno prijavila nenovčane donacije i izvršila korekcije na obrascima 2. (pregled prometa transakcijskog računa), 3. (izvori finansiranja), 3-e (prihodi od poklona), 3-f (prihodi iz budžeta), 4. (rashodi političke stranke), 4.1 (režijsko-administrativni i ostali troškovi) i u obrascu 5.2 (ostale obaveze), te je u skladu sa navedenim Služba za reviziju korigovala nalaz revizije iz Preliminarnog izvještaja.

Pomoćnik revizora
Mr.sc. Goran Cicović

Šef Službe za reviziju
Mr.sc. Hasida Gušić